



NOGOMETNI/FUDBALSKI SAVEZ BOSNE I HERCEGOVINE

PROPOZICIJE

**O TAKMIČENJU KUP-A REGIJA
ZA 2020. GODINU**

Sarajevo, Januar/Siječanj 2020. godine

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor NS/FS BiH, na sjednici održanoj 29.01.2020. godine, d o n o s i

PROPOZICIJE

o takmičenju Kup-a Regija NS/FS BiH za 2020. godinu

OPŠTE ODREDBE

Član 1.

Ovim propozicijama utvrđuje se način organizacije i provođenja takmičenja Kupa regija Nogometnog/Fudbalskog saveza Bosne i Hercegovine za 2020. godinu.

UČESNICI TAKMIČENJA

Član 2.

U takmičenju Kupa regija NS/FS BiH obavezno učestvuju amaterske reprezentacije svih kantonalnih/županijskih i područnih saveza sa teritorije NS/FS BiH i to:

I GRUPA

1. PFS Banja Luka
2. PFS Gradiška
3. NS Hercegovačko-neretvanskog kantona / županije
4. PFS Prijedor
5. NS Srednjobosanskog kantona / Kantona Središnja Bosna
6. NS Unsko-sanskog kantona
7. NS Županije Zapadnohercegovačke
8. NS Županije Hercegbosanske

II GRUPA

1. PFS Bijeljina
2. FS Bosansko – Podrinjskog kantona
3. PFS Doboј
4. PFS Istočno Sarajevo
5. FS Kantona Sarajevo
6. NS Posavske županije
7. PFS Trebinje
8. NS Tuzlanskog kantona
9. NS Zeničko-dobojskog kantona

USLOVI ZA UČESTVOVANJE U TAKMIČENJU

Član 3.

Utakmice Kup-a regija NS/FS BiH igraju se na stadionima koji ispunjavaju uslove za odigravanje utakmica BH Telecom Premijer lige BiH, Prve lige NS F BiH, Prve lige FS RS i Drugih liga NS F BiH i FS RS.

Konačnu odluku o uslovnosti stadiona i dozvoli za odigravanje utakmica na istim, donosi Komitet za takmičenje NS/FS, na preporuku Komiteta za stadione i bezbjednost NS/FS BiH.

ORGANIZACIJA TAKMIČENJA

Član 4.

Takmičenjem Kup-a regija NS/FS BiH rukovodi Komitet za takmičenje NS/FS BiH, u saradnji sa Sektorom za sport NS/FS BiH.

Član 5.

Utakmice Kup-a regija NS/FS BiH igraju se po jednostrukom kup-sistemu.

Jedna ekipa ne može biti slobodna dva puta u toku takmičenja.

Raspored utakmica određuje se putem totalnog žrijeba, s tim da su u prvom krugu takmičenja ekipe podijeljene u dvije grupe, kako je i navedeno u članu 2, a iste su sačinjene na principu ekonomičnosti.

Finalna utakmica se igra u organizaciji NS/FS BiH, u Trening centru NS/FS BiH u Zenici.

Član 6.

Ekipe učesnice u takmičenju obavezne su, najkasnije u roku od 14 dana od dana usvajanja ovih Propozicija, u Odjel za takmičenja NS/FS BiH, dostaviti:

- mjesto, naziv stadiona i vrijeme odigravanja utakmica
- spisak igrača, boju opreme (dres, gaćice i štucne), kao i rezervnu boju
- naziv i mjesto alternativnog stadiona za odigravanje utakmica.

Član 7.

Zahtjev za izmjenu termina odigravanja utakmica može se podnijeti sedam dana prije utvrđenog termina odigravanja utakmice.

Nakon isteka roka iz stava 1. ovog člana, za izmjenu termina potrebno je dostaviti i saglasnost protivničke ekipe.

O zahtjevima za izmjenu termina odigravanja utakmica odlučuje Komitet za takmičenje NS/FS BiH i takva odluka je konačna.

OBAVEZE KANTONALNIH/ŽUPANIJSKIH I PODRUČNIH SAVEZA

Član 8.

Kantonalni/županijski i područni savez čija je amaterska reprezentacija domaćin utakmice obavezan je pripremiti teren za igru, a odluku o pogodnosti terena za odigravanje utakmice donosi sudija.

Takmičenje se administrativno vodi kroz sistem Comet. Sve ekipe su dužne najkasnije 14 dana prije prvog kola prijaviti maksimalno 35 igrača, i samo prijavljeni igrači imaju pravo nastupa do kraja takmičenja.

Kantonalni/županijski i područni savezi su obavezni u Comet sistemu formirati svoju reprezentaciju i unijeti igrače i trenere koji su prijavljeni za nastup u toj reprezentaciji.

Ekipa domaćin je dužna delegatu utakmice na raspolaganje staviti kompjuter, i internet konekciju.

Savez domaćin je obavezan na jarbolu postaviti državnu zastavu Bosne i Hercegovine, zastavu NS/FS BiH, a mogu se postaviti entitetske i zastave kantonalnih/županijskih i područnih saveza, kao i zastava fair-playa.

Postavljanje drugih zastava nije dozvoljeno.

Savez domaćin je dužan preduzeti sve mjere u cilju obezbjeđenja ličnosti svih učesnika utakmice, za vrijeme i po završetku utakmice, sve do napuštanja stadiona i mjesta odigravanja utakmice.

Savez domaćin je obavezan nadležnoj policijskoj upravi prijaviti mjesto i vrijeme odigravanja utakmice, a na zahtjev policijske uprave i druge relevantne podatke.

Utakmica se ne može igrati bez pripadnika policije, sanitetskog vozila, dežurne ljekarske ekipe i dovoljnog broja redara.

Član 9.

Za vrijeme odigravanja utakmice u tehničkom prostoru ekipe moraju se nalaziti slijedeće osobe:

- službeni predstavnik ekipe (odjeven u odijelo, sa ili bez kravate);
- selektor (koji posjeduje najmanje UEFA "A" trenersku licencu i dva trenera minimalno sa "B" trenerskom licencom);
- sedam zamjenskih igrača u sportskoj opremi;
- ljekar i fizioterapeut.

Član 10.

Reprezentacije saveza su obavezne na stadion doći 90 minuta prije početka odigravanja utakmice.

Član 11.

U slučaju da su ekipe prijavile, ili su na teren izašle sa istom ili sličnom bojom dresova, dresove će promijeniti domaća ekipa.

PRAVO NASTUPA

Član 12.

Na utakmicama Kup-a regija NS/FS BiH pravo nastupa imaju igrači uneseni u COMET sistem, i to:

- registrovani igrači sa pravom nastupa za klubove Druge lige i nižih stepena takmičenja u takmičarskoj sezoni 2019/20;
- igrač mora imati najmanje 19 godina na datum svog prvog nastupa u takmičenju (npr.1.avgusta 2020, igrač rođen 1. avgusta 2001 ili prije ima pravo nastupa);
- igrač mora biti mlađi od 40 godina na datum svog prvog nastupa u takmičenju (npr.1. avgusta 2020, igrač rođen 1. avgusta 1980, ili prije nema pravo nastupa);
- tokom svoje karijere, igrači nikada nisu mogli biti u statusu profesionalca, kako je definisano FIFA Pravilnikom o statusu i transferu igrača

Član 13.

Igrači moraju biti propisno registrovani kao aktivni igrači u kantonalnim/županijskim ili područnim savezima, koje nastupaju u takmičenju najmanje dvije godine bez prekida na datum njihovog prvog pojavljivanja na takmičenju (npr. 1. avgusta 2020. godine, igrač koji je prijavljen kantonalno/županijsko ili područno udruženje od 1. avgusta 2018. godine ili ranije ima pravo nastupa).

IDENTITET IGRAČA

Član 14.

Identitet igrača se utvrđuje u skladu sa odredbama Pravilnika o nogometnim/fudbalskim takmičenjima NS/FS BiH.

Na utakmicama Kup-a regija NS/FS BiH igrači nastupaju sa sportskim legitimacijama klubova čiji su članovi u vrijeme odigravanja utakmice.

DELEGAT NA UTAKMICI

Član 15.

Delegat na utakmicama Kupa regija NS/FS BiH određuje Komitet za takmičenje NS/FS BiH, pri čemu se uzima u obzir ekonomičnost takmičenja i neutralnost službenih lica.

Dužnost delegata na utakmicama Kupa Regija NS/FS BiH mogu obavljati delegati sa lista delegata BHT Premijer lige BiH, Prvih liga FS RS i NS FBiH.

Delegat utakmice obavezan je 90 minuta prije početka utakmice u prostorijama stadiona održati radni sastanak (brifing) sa predstavnicima ekipa/reprezentacija, sudijama, komesarom za bezbjednost saveza domaćina utakmice i predstavnikom policije.

SUDIJE

Član 16.

Sudije za utakmice Kupa regija NS/FS BiH određuje Komitet za sudije i suđenje NS/FS BiH, pri čemu se uzima u obzir ekonomičnost takmičenja i neutralnost službenih lica.

Utakmice Kupa regija NS/FS BiH sude sudije sa liste sudija BH Telecom Premijer lige BiH, Prve lige NS F BiH i Prve lige FS RS.

Za utakmice Kupa regija NS/FS BiH određuju se sudija, dva asistenta sudije i četvrti sudija.

ZAPISNIK

Član 17.

Delegat sastavlja zapisnik sa utakmice elektronski u COMET sistemu. Ekipe su dužne prije početka utakmice dostaviti ovjeren i potpisan spisak igrača i službenih lica svoje ekipe na propisanom obrascu.

Po završetku utakmice zapisnik sa utakmice sastavljen putem Comet sistema, sravnjavaju delegat i sudija, nakon čega delegat zaključuje izvještaj fair playa, a sudija utakmice svojom šifrom zaključuje zapisnik sa odigrane utakmice.

REGISTRACIJA UTAKMICA

Član 18.

Komitet za takmičenje NS/FS BiH vrši registraciju odigranih utakmica na prvoj narednoj sjednici nakon dana odigravanja utakmica, a u slučaju ulaganja žalbe na odigranu utakmicu, registracija se odgađa do konačne odluke nadležnog organa po uloženoj žalbi.

UTVRĐIVANJE PLASMANA

Član 19.

U slučaju neriješenog rezultata nakon isteka regularnog vremena trajanja utakmice, izvode se udarci sa tačke kaznenog udarca za dobijanje pobjednika na utakmici.

Član 20.

Ukoliko ekipa, nakon obavljenog žrijeba takmičarskih parova, svojom krivicom odustane od takmičenja, ili neopravdano ne dođe na odigravanje utakmice, u dalje takmičenje će se plasirati protivnik.

Ekipa koja neopravdano odustane od takmičenja ili neopravdano ne dođe na odigravanje utakmice, snosit će disciplinske posljedice u skladu sa odredbama Disciplinskog pravilnika NS/FS BiH.

Reprezentacija pobjednik Kup-a regija NS/FS BiH učestvuje u takmičenju UEFA Kup-a regija 2020/21.

ŽALBE

Član 21.

Žalbe po svim osnovama moraju se e-mailom ili telefaksom najaviti u roku do 24 sata po odigranoj utakmici, a obrazloženje sa dokazom o uplaćenju taksu mora se dostaviti u roku od 48 sati po odigranoj utakmici.

Žalbe se dostavljaju Komitetu za takmičenje NS/FS BiH.

Odluka o žalbi donosi se u roku od sedam dana od dana prijema žalbe.

Žalba na odluku Prvostepenog organa može se podnijeti Apelacionoj komisiji NS/FS BiH, u roku do tri dana od dana prijema odluke Prvostepenog organa.

Drugostepena odluka se donosi u roku od sedam dana od dana prijema žalbe.

DISCIPLINSKE ODREDBE

Član 22.

O disciplinskim prekršajima učesnika Kupa regija NS/FS BiH odlučuje Disciplinska komisija NS/FS BiH, a u skladu sa Disciplinskim pravilnikom NS/FS BiH.

FINANSIJSKE ODREDBE

Član 23.

Naknade službenim licima isplaćuje NS/FS BiH, a visina istih je definisana posebnom Odlukom IO NS/FS BiH.

Kantonalni/županijski/područni savezi snose ostale troškove (prevoz, smještaj, ishrana i dr.) za svoje reprezentacije, s tim što NS/FS BiH participira u troškovima transporta na gostujuće utakmice ekipa u iznosu 50 % od fakture.

NS/FS BiH snosi troškove organizacije finalne utakmice u Trening centru NS/FS BiH.

Član 24.

Iznosi taksi na žalbe, redovne i vanredne pravne lijekove su određeni posebnom odlukom IO NS/FS BiH.

NAGRADE

Član 25.

Nogometni/Fudbalski savez BiH dodjeljuje reprezentaciji pobjedniku Kupa regija NS/FS BiH pehar i 35 medalja.

ZAVRŠNE ODREDBE

Član 26.

Za sve što nije predviđeno ovim Propozicijama Kup-a regija važe odredbe Pravilnika o nogometnim/fudbalskim takmičenjima NS/FS BiH, Pravila nogometne/fudbalske igre i drugih propisa NS/FS BiH.

Član 27.

Propozicije stupaju na snagu i primjenjuju se danom objave u Službenom glasniku Nogometnog/Fudbalskog saveza BiH.

P R E D S J E D N I K

Elvedin Begić



NOGOMETNI/FUDBALSKI SAVEZ BIH

KALENDAR TAKMIČENJA KUP-A REGIJA NS/FS BIH ZA 2020. GODINU

April/Travanj	15.04.2020.	<i>Prvi krug utakmica Kup-a regija</i>	16:30	
	29.04.2020.	<i>Drugi krug utakmica Kup-a regija</i>	16:30	
Maj/Svibanj	13.05.2020.	<i>Treći krug utakmica Kup-a regija</i>	17:00	
	27.05.2020.	<i>Četvrti krug utakmica Kup-a regija</i>	17:00	
Juni/Lipanj	10.06.2020. TC Zenica	<i>Finale Kup-a regija NS/FS BIH</i>	17:00	